

quod modo ex Zuichemo recitabam . In vulgatis editionibus , *Lib. 1. Institut. Tit. 2. de Jure naturali, Gentium, & Civili*, apud Vechelum ann. 1534. pag. 58. & apud Tornesium ann. 1580. pag. 15. sic legitur: Ἀλλὰ τὸν πολιτικὸν νόμον ἐκ μιᾶς ἐκάστης πόλεως ἐν ᾗ καὶ κρατεῖ, δέχεται τῶν ὀνομασίων : οἷον τῶν Ἀθηναίων, ἢ Λακεδαιμονίων. εἰ γὰρ τις εἴδῃ τὸ Σόλωνος τῶν Ἀθηναίων νομοθέτου, ἢ τὸ Δράκοντος τῶν Λακεδαιμονίων, *Jus civile Atheniensium, vel Lacedaemoniorum*, ταῖσι πολιτικὸν νόμον τῶν Ἀθηναίων ἢ Λακεδαιμονίων ἀποκαλεῖται, ἐκ αὐτῶν διακρίνεται, εἰ δὲ σφαλῇ τῆς ἀληθείας. *Sed Jus quidem civile ex unaquaque civitate, in qua obtinet, appellationem sumit, veluti Atheniensium, aut Lacedaemoniorum. Nam si quis leges Solonis, qui Atheniensibus leges conscripsit, aut Draconis, qui Lacedaemoniis; Jus civile Atheniensium vel Lacedaemoniorum appellare velit, non omnino peccaverit, aut a veritate aberravit.* Hæc Theophili verba si, uti jacent, sumantur, reprehendi certe debent, quod Draconem is faciat Lacedaemoniorum Legislatorem. Verum non ita scripsisse Theophilum, apparet ex Codice Græc. Palat. xix. fol. 8. pag. 2. ubi de solis Atheniensibus fit sermo, nihil de Lacedaemoniis. Textum ipsum Græcum accipe. Ἀλλὰ τὸ μὲν πολιτικὸν νόμον ἐκ μιᾶς ἐκάστης πόλεως προῖον ἐν ᾗ κρατεῖ, καὶ ἐξ αὐτῆς δέχεται τῶν ὀνομασίων. οἷον τὸ Ἀθηναίων. εἰ γὰρ τις μὲν εἴδῃ τὸς Σόλωνος, ἢ Δράκοντος νόμους *Jus civile Atheniensium*, ταῖσι πολιτικὸν νόμον τῶν Ἀθηναίων ἀποκαλεῖται, ἐκ αὐτῶν διακρίνεται, εἰ δὲ σφαλῇ τῆς ἀληθείας. *Sed Jus quidem civile ex unaquaque civitate prodians, in qua obtinet, ex ipsa etiam appellationem sumit, veluti Jus Atheniensium. Nam si quis Solonis aut Draconis Leges, Jus civile Atheniensium appellare velit, non omnino peccaverit, aut a veritate aberraverit.* Amanuensium igitur, non Theophili error fuit, quod Draco dictus sit Lacedaemoniorum Legislator. Quidni & alia menda ad sciolorum libros referenda?

Zuichemus in cit. Præfat. observat, Titulum primum Libri primi Institutionum, qui inscribitur *de Justitii* & *Jure*, in plerisque Codicibus MSS. desiderari: *Illud* (in-